

Ugovor o pružanju usluga

I SPORAZUMNE STRANE

Arhitektonski fakultet u Sarajevu

Sjedište: Patriotske lige br.30, 71000 Sarajevo
Kojeg zastupa dekan prof.mr. Mevludin Zečević
(u daljem tekstu: Naručilac)

i
Say d.o.o. Sarajevo
Sjedište: Ferhadija 37, 71000 Sarajevo
Kojeg zastupa direktor Yavuz Karaman
Identifikacijski broj: 4202199800007
Identifikacijski broj obveznika PDV-a: 202199800007
Transakcijski broj banke, ime i sjedište banke: 1861220310123804 Ziraat Bank dd Sarajevo (u daljem tekstu: Izvršilac)

II PREDMET UGOVORA

Član 1.

Predmet ovog ugovora je pružanje usluga hotelskog smještaja u Sarajevu a prema Pozivu Naručioca i Ponudi Izvršioca od 30.08.2018. godine, koji su u prilogu ovog ugovora i čine njegov sastavni dio.

Član 2.

Predmet ugovora obuhvata hotelski smještaj u četiri jednokrevetne i tri dvokrevetne klimatizirane sobe sa uključenim doručkom za sedam osoba u periodu od 02.09.-09.09.2018. godine u hotelu Lemonis, ul.Ferhadija 37, 71000 Sarajevo

III CIJENA I NAČIN PLAĆANJA

Član 3.
Ukupna vrijednost predmetnog ugovora iznosi **3.752,00 KM** (slovima: trihiljadesedamstotinapedesetdvije i 00/100 konvertibilnihmaraka) sa uračunatim PDV-om, uključenom boravišnom taksom, osiguranjem.

Član 4.

Naručilac će izvršiti plaćanje iz člana 3. ovog ugovora, najkasnije 15 dana od prijema fakture Izvršioca.

IV OBAVEZE IZVRŠIOCA

Član 5.

(1) Izvršilac se obavezuje:

- da će u skladu sa odredbama ugovora usluge pružati u skladu sa zahtjevima Naručioca;
- da osigura uslugu smještaja u hotelu u periodu od 02.09.-09.09.2018. godine;
- da usluge fakturiše u ugovorenim rokovima, na osnovu otpremnih dokumenata, potvrđenih od strane Naručioca da su usluge izvršene i to na dan izvršenja istih;
- na nepromjenjivost cijena tokom trajanja ugovora.

(2) Ukoliko Izvršilac ne izvrši ugovorene obaveze u ugovorenom roku dužan je na ime ugovorne kazne fakturu za izvršenu uslugu umanjiti za iznos od po 20,00 KM od ukupno ugovorenog iznosa za svaki započeti dan kašnjenja/učinjeni propust do izvršenja ugovora, a najviše do 10% od ukupno ugovorenog iznosa.

V STUPANJE NA SNAGU I RJEŠAVANJE SPOROVA

Član 6.

Ovaj ugovor stupa na snagu danom obostranog potpisivanja od strane ovlaštenih lica ugovornih strana.

Član 7.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 15 dana.

Član 8.

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VI OSTALE ODREDBE

Član 9.

Izvršilac nema pravo, u svrhu izvršenja ovog ugovora, da zapošljava fizičke ili pravne osobe koje su bile uključene u pripremu zahtjeva za dostavljanje ponuda ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 10.

Za sve što nije regulisano ovim ugovorom primjenjivaće se odredbe pozitivnih propisa kojima se reguliraju obligacioni odnosi u Bosni i Hercegovini.

Član 11.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pismenoj formi

Član 12.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za Izvršioca



direktor

Datum: _____ 2018. godine

Broj:



Za Naručioca

prof. mr. Mevludin Zečević, dekan
Arhitektonskog fakulteta u Sarajevu

Datum: 30.08. 2018. godine

Broj:

05-30/118-18